

(ciep geizgonq)

Ndangdaej mbouj ndei, mingz-mingz rox bouxgvan dwk dienhvah daeuj cam dwg gvansim, hoeng lij mbouj hawj de vahndei. Ngunh-ngwdngwd ninz ndaek, soh daengz gyaenghwnz ndiu dauq, ok gvaq ndang hanh ndeu, ndat doiq lo. Caiq cazyawj soujgih caeuq saenqsik QQ, cij raen bouxgvan youq ndaw QQ sij:

Heiqnit ciemhciemh doiq,
Seizcin voihvoih daeuj;
Nienzhuq gaenq cawx gaeuq,
Rim ding coux caen ma.

Seiz gou okdaej beizyin, boux-gvan lij youq Namzningz haihoih, sanq hoih le youh bae aen ranz baengzyoux guhcaemz, 20 hauh cij baema daengz ranz, 21 hauh de lij youq ndaw QQ sij:

Gwnzbiengz heiq hom raeuj,
Raeuz nyaengq vih gvaq cieng;
Beix bwh huq gvaq nienz,
Niemh nuengx vaiq dauqma.

Gou bonjlai gaenq mbouj maq-muengh de ndaej bang banh nienzhuq

Cinhyin Maranz

春运回家

□Ganh Sozvwenz/甘说文

lo, seizneix de dauq banh ndei lo, gou ndawsim couh gag angqvauvau hwnjdaej.

Haetcaeux, bouxgvan dwk dienhvah daeuj cam ndangdaej ndei di caengz, lij lwnh gou haujlai saehndei: Gij ngaenzgauj gou ha, ngaenz hwnjdangz ha, ngaenz simjgauj ha, lij haenh gou, gangj “ndaw ranz” bingz hawj gou bi 2013 cingzcik ndei. Hwhw, de couh dwg yienghneix daegdaengq yaeh gou vaiqvued, hoeng gou hix lumj caen ndaej ciengj nei angqmaengx, ndawsim raeujrub, caen siengj vaiqdi daengz ranz.

Gwn haet gvaq le bae doiq fuengz. Ra mbouj raen dah vunz

Siengcouh yaek caeuq gou guhdoiha baema haenx. Haemhbonz gaujsi nyaengq, mbouj ndaej cam de aeu soujgih haumaj, seizneix mbouj rox baenzlawz ra raen de. Gou youq ndaw Q gyoengq fat saenqsik cam, rox de haemhlwenz gaenq baema lo.

Gwnz cigunghgyauh vunz daegbied lai. Gangj saedcaih, gou lij caengz bungz deng cinhyin ok dou gyae gvaq, baezneix couh ndeindei gamjsouh baez ndeu ba. Yienghneix naemj dwk, gou ndawsim couh mbouj gip mbouj muengz lo.

Daeuj daengz Langjdungh Cehcan, ndaw camh vunz lai vunz daih, yawj bae lumj boux dep boux, boux nyoengx boux. Gou ganjvaiq bae baizdoiha cawx biuq, ngoenznaengz biuq 85 maenz, seizneix gaenq hwnj daengz 90 maenz lo.

Doiq gvanbaz minzgungh ndeu doxgvaiq mbouj daezgonq daeuj cawx fei. Mehyah couh baiz youq baihlaeng gou, bouxgvan gvaqdaej cam, nyaemh mehyah hoed, de cij rimnaj sienhswd sohsaeng. Gou dauq daj baihdaw gamjdaengz gij

unqswnh raeujrub de. Gou dawz gij gamjsouh neix fat daengz Q gyoengq bae.

Cinz gyausou bingzseiz gig siuj gangj vah, seizneix de naeuz: “Yawj gozdu mbouj doengz, gamjsouh couh mbouj doengz. Bouxgvan rimnaj sienhswd sohsaeng, hoeng, mwngz gojnaengz mbouj rox, de ndawsim gaenq nyap dai lo, naeuz yah neix hoed cungj mbouj dingz, mboujgvaq lai ok geij cib maenz, yungh yienghneix gauj ndaej daihgva cungj mbouj angq ma? Yah haenx gojnaengz ndawsim ngeix: Vihmaz baenzneix boihseiz ha, haq hawj ndaek vunzfeiq neix, banh di saehcingz cix banh mbouj ndei…… Hwhw, cienz dang guh’angq! Hoh daihgva gwnz loh bingzan!”

Mbouj loek, gijneix cij dwg bingzseiz cingqdangq ngeixfap, hoeng, gou vihmaz faenmingz youq ndawde gamjdaengz gij unqswnh raeujrub ne? Dwg aenvih yah haenx yienznaeuz hoed dauq hix mbouj miz saekdi hozndat, gvan haenx deng hoed hix mbouj najsap fatheiq? Roxnaeuz aenvih gou dwg daiq cungj siengjifap gamjsouh cinhyin daeuj dap ci, swlgeij sim mbouj fanz mbouj nyap, cienmonz ra gij ndei daeuj naemj, couh lumj Cinz gyausou gangj “cienz dang guh’angq” lo? Roxnaeuz deng gij heiqfaenh maranz caeuq vunzranz guhdoiha haenx raeujrub lone?

(caengz sat)

Ganj Hawfwen

赶歌圩

□Sub Dasingh

Sai: Sam nyied ganj hawfwen
Muengz geij ndwen mbouj dingz
Doiq fwen miz gamjcingz
Vunz mbouj cingj gag bae

Sau: Beix yaek bae hwnjdou
Cib miz gouj cingz baenz
Danghnaeuz saeh dwg caen
Nuengx dawz ngaenz bae hoh

Sau: Hawfwen vunz lailai
Miz mbwk sai ra youx
Danghnaeuz ndaej saek boux
Haeuj dou angqfwngfwng

Sai: Beix mbouj dwg hwnjdou
Siengj lijyouz baez ndeu
Nyi fwen couh bae eu
Gvaq geuq haeuj haw moq

Sai: Nuengx sau lumj vasien
Mbauq biengz cien boux vaenq
Nuengx gyaj yawj mbouj raen
Dan maij gaen beix huk


Sau: Haeuj haw ra vacwx
Yap vafwz daeuj cimz
Gveng henzranz saugim
Liengzsim youq gizlawz

Sau: Beix mbauq youh bakgvai
Beij vunzlai coengmingz
Guh gwiz miz vunz dingh
Lwgsau sing guhyoux

Sai: Vwnzva aeu gyauhliuz
Gung gomiuz Fwencuengh
Vwnzva yizcanj vuengh
Muengh ginghci mbefat

Sai: Beix aeu ganj hawfwen
Sam ndwen mbouj dauq ranz
Saeg dak youq byaicanz
Nuengx henzranz bang sou

Sau: Beix ganj haw dwg seiz
Vih daz ndei Fwencuengh
Song raeuz gap baenz sueng
Lumj bya cuengq roengz haij



Mbanjranz Gyaeundei

Aenneix dwg aen diyyuzgvanj yienhdaihvaq ndeu. Ciemq dieg 5 fanh lai bingzfuengmaex, gij gaiqcaep gyonj dieg gvangq 1 fanh lai bingz-fuengmaex. Guh miz gij ranzyietnaiq bouxyinhdoengh, bouxcaizbueng, vunzhong, hekgviq haenx caeuq diengzsaw, ranzdajcaemx, ranzboiq-dienh, ranzgvaloz, ranzcanj, dienhdoengh geiqseiz geiqfaen daengj sezbei. Gij diegdodax benjdieg faex raez 44 maex, gvangq 24 maex. Nengzranz gungj sang 54 maex, seiqbaih doengrumz, miz 5200 aen daengq. Ndaej youq neix doxdax lamzgiuz, baizgiuz, soujgiuz, bingh-banghgiuz, vujuz, dijcauh, gwednaek daengj hanghmoeg, caemh ndaej guh gij biujyenj vwnzyi, hoihbauqlwnh, hoihgangjyenj daihhingz haenx.

Aen Gvangjsih Diyyuzgvanj seiz-

de daengx guek itlouz neix, dwg Veiz Gozcingh dangmienh cingigouz Ho Lungz fucunglij dingirengz cix ndaej hwnj ne.

Ho Lungz fucunglij bi 1958 ndwen 3 daibyauij dangicunghyangh caeuq gozvuyen daeuj camgya hoihangqhoh laebbaenz Gvangjsih Bouxcuengh Swcigih le, bi 1959 ndwen 2 youh daengz Gvangjsih ngonczaz baez dem.

Veiz Gozcingh Sangcieng Cawj-guenj Guengjsae Ngeihcib Bi

韦国清上将主政广西二十年

□Hoz Saubangj sij Cinz Siengzcouh Liuz Gingliuj Cinz Siengzgen hoiz

Veiz Gozcingh guh gyoeblnh hawj de le, cingigouz boux yenzsai giem guh cujyin Guekgva Dijveij neix, bang youq Namzningz hwnj aen diyyuzgvanj cunghab yienhdaihvaq ndeu.

Haidaeuz, yenzsai lij miz di ngeiz. De naeuz, daengx guek haujlai swngj cungj iugouz youq dieg gyoengqde guh diyyuzgvanj, sou diyyuz bouxak mbouj lai, youq dieg sou hwnj

lau mbouj daiq habdangq ba!

Veiz Gozcingh naeuz: “Yenzsai gaej yawjsiuj Gvangjsih bw, Guengjsae youq dijcauh, binghbanghgiuz daengj fuengmienh, miz mbanj miuz ndei bw!”

“Gou mbouj dwg yawjsiuj Gvangjsih, Gvangjsih daengzcog goj ok ndaej vunzcaiz yijyuz, hoeng seizneix daj cingidaej bae yawj, lij doeklaeng di.”

(caengz sat)